

濂溪志 九

漢	書	門	類	號	函	架	冊
八	九	五	二	一	六	三	五

內	閣	文	庫
漢	書	類	號
八	九	五	二
函	架	冊	數
二	七	一	五


內閣文庫			
番號	漢	8952	
冊數	5	(4)	
函號	287	92	





宋濂溪周元公先生集卷之九

歷代褒崇



宸綸

宋謚元公



淺草藏庫

嘉定十三年六月二十二日賜先生謚曰元先是嘉
 定七年潼川轉運判官魏了翁上疏曰臣猥以晚學
 誤被東注擢司詳刑于蜀之東既服攸司兼攝漕輓
 職分所係於教學立師崇化善俗所不當後因惟國
 朝盛時先正鉅公多在於蜀其生有顯秩沒有卹章
 載在史冊者不待贅陳如其間有道德隆重學問正

大為世師表而爵位弗稱至未舉易名之典臣偶職
勸學且先賢故蹟適在所部敢憚控陳竊見故虞部
郎中周顥嘗為合州僉書判官州事不經其手吏不
敢決苟下之民不肯從蜀之賢人君子莫不喜稱之
流風所漸迄今未泯士競講學民知嚮方春秋奉嘗
有永無替臣始到官遣吏即其祠而用幣焉退復惟
念是特願所以施諸一方見諸行事之一二耳蓋自
周衰孔孟沒更秦漢魏晉隋唐學者無所宗主支離
泮渙莫適與歸醇質者滯於佔畢訓詁雋爽者溺於
記覽詞章言義理則流於清虛寂滅論事功則騖於

權謀智巧誣民惑世淪於肌髓不可救藥斯民也克
舜三代之所以治也涉秦而後千數百年治日常少
亂日常多卒不以此而願獨奮乎百世之下乃始探
造化之至願建圖書闡發幽秘即斯人日用常行
之際示學者窮理盡性之歸使誦其遺言者始得以
曉然於洙泗之正傳而知世之所謂學者非滯於俗
師則淪於異端蓋有不足學者於是河南程顥程頤
親得其傳而聖學益以大振雖三人於時皆不及大
用而嗣往聖開來哲發天理正人心使孔孟絕學獨
盛於本朝而超出乎百代功用所繫治理所關誠為

不特拘命秩未舉節忠故紹興初侍講胡安國常請于朝先爵程顥兄弟使得從食於先聖先師之廟其後乾道間大學錄魏棫之又嘗白宰相請祠程顥兄弟於學皆不果行如周頥則又程頥兄弟親炙而師事之者安國棫之未及以為言則亦為闕典也臣愚欲望聖慈詳臣所陳如以為可乘乞下之禮官如先朝邵雍徐積等故事先將周頥特賜美謚其於表章風厲誠非小補臣竊欲效使臣勸學之職因遂致蜀人耳棠之思故出位僂言冒昧及此臣之罪大矣惟陛下裁幸疏上朝廷下禮官討論了翁再疏曰臣

聞謚者行之迹昔人所以旌善而懲惡節惠而尊名也爰自後世限以品秩濟以請託於是嘗位大官者雖惡猶將飾之品秩之所不逮則有碩德茂行而不見稱於世者矣夏竦高若訥而謚文莊蔡卞鄭居中而謚文正鄧洵武蔡脩而謚文簡呂惠卿而謚文敏張商英而謚文忠陸淵明而謚文獻林希而謚文節溫益而謚定簡汪伯彥而謚定忠秦檜而謚忠獻此皆名浮於行而章章在人耳目者自餘此類何可勝數而舉世視為當然未嘗以為訝也至於倡明正學於千百餘載之後上嗣去聖下開來哲如周頥程顥

程頤張載及一時大徒高第其有功於生民之類亦不為小矣世之相後不為近矣而卒未有表而出之者亦不以為闕也臣自前歲誤被東擢攝承漕寄遂因職分所關輒為周頤冒陳易名之請又貼黃云近歲如朱熹張栻皆已賜謚而熹栻之學實宗周頤及程頤程頤今錄其後而遺其先似於褒崇美意猶有未盡已荷聖明亟垂俞允遂以所奏下之有司維時春官亦專以程頤兄弟為請申命所屆承學之士聞風興起蓋學術之標準風俗之樞機所關甚不小也而二年于茲猶未有以易其名者豈事大體重未容

以遽議耶抑自邇年以來謚之美者曰文曰宣曰成既首以用諸周程之苗裔故思所以加諸此者而未能也然稽諸謚法亦誠無可以加此者舍曰如文如宣如成者既不可得而易則師承之間亦不嫌於同謚也臣愚欲望聖慈申飭有司速加考定表而出之庶有以風厲四方示學士大夫趋向之的其於崇化善俗之道無有急於此者臣出位犯分竊竇聖聰伏俟斧鑕之誅疏上上命禮部大常寺同共擬定承議即太常丞兼權兵部郎中臧格議曰大哉元乎在易為乾德之首在春秋為始年之法天下之理蓋未嘗

無其初也古者大道脩明人心純一聖賢之功固無
自而見不幸而渙散殫殘之餘有能復振遺響俾絕
者自我而續晦者自我而明是故有元之義焉參之
大易春秋之說又寧有異旨哉自孟氏沒異端滋熾
重以專門於漢清談於晉至唐則文藝益工展轉沉
錮以迄五季之陋幾於蠹蝕不存矣宋興鉅公名人
鳥變後先其聞道亦不為淺大槩更相推激終不離
乎文字議論之末而挈提宗旨主張是道以淑諸人
有濂溪先生焉學問淵懿超然自得特出于萬物之
表而其最深切者太極有圖所以發是理之幽秘易

通有書所以闡是圖之精微圖有無窮之義書有不
盡之言如是可探二氣五行之運如是可見中
正仁義之本如是可識神物動靜之別槩曰廣大
高深究其歸則不外乎日用飲食之常斷斷乎其有
功於斯世也蓋嘗深探其造道之所由來矣或謂得
之先天先天得之龍紀其說幾於迂誕而無考又云
其圖實出於穆脩脩之傳出於陳搏搏老子之學也
烏能統盟斯道要知先生所得之奧不俟師傳匪由
知索神交心契固已極其本統不然嗜溪流之緝寒
愛庭草之交翠體夫子之無言窮顏淵之所以樂是

果何味而獨嚙齟之耶故能發前聖之所未發覺斯人之所未覺使高遠者不墮於荒忽使循守者不淪於滯固私意小智何所容其巧詭經僻說何所肆其誣如密雲宿霧有日斯嚇如斷港絕潢有泉斯湧其功用豈不偉哉近世永文公熹張宣公栻呂成公祖謙尊敬斯學或列之篇端或記于書後或雜于註釋之詳或嚴于問對之確先生之名蓋廣大光明於時矣謹按謚法主善行德曰元先生博學力行會道有元脉絡貫通上接乎洙泗條理精密下逮乎河洛以元易名庶幾百世之下知孟氏之後明聖道者必自

濂溪始昔潘興嗣何人敢誌其墓彼其為說曰善名理宜不免于後人之誚也格具官博士職當議謚茲復妄論先生抽閑放鑰得吾道之正傳自謂無愧於心若夫繪畫摹寫以鄰於僭異時或與潘同誚則不敢辭既送吏部朝奉郎軍器監考功郎中樓觀復議曰理學之說隱然於唐虞三代之躬行開端於孔門洙泗之設教推廣於子思孟軻之講明駁雜於漢唐諸儒之議論而復恢於我宋濂溪先生周公願一濬其源而洗之混混益昌於今放諸百世無疑也先生亦何心於易名哉監司有請博士有議謚曰元公

追尊也然而易有太極是生兩儀乾坤位焉大哉乾元萬物資始至哉坤元萬物資生凡曰元者謂其肇于此者也故曰元者善之長又曰春秋以一為元先生之於理學晦而明之室而通之亦可謂之元乎及觀河汾王通嘗遊孔子之廟而歌曰大哉乎君君臣臣父父子子兄兄弟第夫夫婦婦夫子之力也其與太極合德蓋嘗三復斯言無極而太極太極動而生陽靜而生陰是又乾坤之元也夫子生於晚周果何與乎太極哉春秋之際三綱淪九法斁邪誕妖異之說競起塗生民之耳目溺天下於污濁理學亦幾息矣

夫子出而開天理明人極扶持而封植之殆猶乾坤之再造謂之合德太極宜矣知夫子與太極合德則闡夫子所謂合德者於剝蝕之餘謚之以元不亦可乎於是賜謚曰元

追封汝南伯從祀廟庭詔

嘉祐元年春正月詔追封先生為汝南伯從祀孔子廟庭先是慶元中著作郎李道傳請以先生及二程張朱四先生從祀未行至是乃詔曰朕惟孔子之道自孟軻後不得其傳至我朝周惇頤張載程顥程頤真見實踐深探聖域千載絕學始有指歸中興以來

又得朱熹精思明辨表裏混融使大學中庸論孟之
書本末洞徹孔子之道益以大明於世朕每觀五臣
論著啟沃良多今視學有日其令學官列諸從祀以
示崇獎之意

勅賜道源書院額

寶祐五年十月二十日勅南安軍以周程書院改賜
道源書院為額先是寶祐三年知軍事吳革備軍學
教授趙希哲狀上請畧曰恭惟天祐國家篤生濂洛
闡千古不傳之秘為萬世斯文之宗家誦其書入祠
其象故九江以濂溪曾寓於此而濂溪書院立焉隆

興以濂溪曾宰於此而宗濂書院立焉至如吉之廬
陵止以程太中公曾尉于此而鷺洲書院又立焉凡
數書院皆蒙勅額例拜宸翰天下學者咸謂周程之
道周流廣大於此豈知流派固通天下而淵源實始
南安自慶曆四年元公以部使者辟本軍司理六年
虔州興國令程公珦攝倅本軍知元公非常人令二
子師之二子即純公正公也南安之人至今每自負
曰吾州雖斗大三先生父子兄弟師友傳授斯道實
始於此觀此則本軍又非他郡比矣今九江隆興廬
陵皆賜勅額而本軍書院尚未蒙賜幾於沿流而不

知溯其源士心勅鬱誠頭朝廷照例賜之旌寵特以
道源書院四字為額上以彰公朝尊道源之所自出
下以勵後學廣道化之所自行其於世運實非小補
至是知軍事郭廷堅又狀請之謂南安一郡德星會
聚三賢相逢啟闢道源親相授受闡千聖數千年不
傳之秘發後學千萬世大明之端而所創書院未祿
雲漢昭回之光士民顛顛望賜已久洪惟聖朝恢張
文治上自辟雍崇化之宮下至諸賢讀書之室例拜
奎畫金壁輝煌而况道學根源之地亦何惜聖恩而
不使之昭明於天下哉奏上勅賜如其請廷堅為表
以謝曰臣廷堅言奉勅改賜周程書院為道源書院
臣即時遵奉施行者伏以昭明理學遵聖朝家法之
源流褒表儒官示天下士心之標準俞音誕布善類
交歡臣廷堅惶懼惶懼頓首頓首臣竊以洙泗而降
正統浸微濂洛之間真儒輩出莫大乎北面尊師之
禮首行於南安弼教之堂自吟風弄月以詠歸得其
傳矣至立唐坐春而請益擴而克之故祠宇以奉安
儼德儀而如在諸生雲集一境風移荷九重賜號以
渙恩俾百世因名而求實茲蓋恭遇

皇帝陛下心融太極道体純乾玩明通公溥之辭踐真

履實守視聽言動之誠倚衡參前偉三賢授受以開
端以四字發揚而疏寵臣敢不仰承綸綍俯勵佩衿
欵恭前脩歸魚躍鳶飛之造更祈全美頌驚翔鳳翥
之書臣無任瞻天仰聖激切屏營之至謹奉表陳謝
以聞

賜御書道源書院額

景定四年御書道源書院四大字賜南安軍從守臣
饒應龍之請也應龍上表謝曰臣昔稽載錄慶曆四
年元公周頤為南安理椽適太中大夫程珣攝通守
事一見異之遺子純公顯正公頤受學焉傳道之源

實肇於此乾道乙酉教官臣郭見義設詞於三先
肄業之地嘉定己卯守臣劉強學改闢于學官之東
而書院之名未立也淳祐壬寅漕臣江萬里始屬守
臣林壽公創置書院而勅額未頒也實祐乙卯以守
臣吳革有請賜今額而奎畫猶未覩也臣以菲才繼
守此邦竊惟天下講學之地如紫陽如白鹿如鷺洲
如稽山如建康之明道鄂渚之南陽江陵之公安俱
象宸翰褒表南安為道學發源之地乃獨闕典可乎
輒因士民之情頓首以聞適際丞相臣似道主張於
廟堂之上侍御臣堯道贊決於龜廈之間乃景定癸

亥七月既望恭拜聖恩以御書道源書院四字仙毫
絢綵燁乎光風霽月之清明天墨流香灑然甘露祥
雲之霑潤儒官改觀吾道生輝臣謹率僚屬民士東
望百拜對揚休命迺闢高閣是崇是揭迺新傑閣以
寶以藏冠帶雲集舞忭胥慶曰我生何幸得置身於
先賢過化之邦復拭目乎聖君風厲之筆其為道德
之歸有日矣臣慨念木鐸絕響千有餘歲至我宋始
有周程三君子出焉春陵洛水相望凡幾千里橫浦
之遇乃若合符元公時猶年少人莫知者太中乃獨
有孟僖子之識命二子以仲尼之事卒為濂洛之真

儒繼洙泗之絕學人乎天邪臣又念三先生之講學
于此邦三尺童子皆知景慕乃越百二十餘年而後
有祠又七八年而後書院始創又十三年而後勅額
始頒又八年而雲章下賁褒崇之典至今日而始備
入乎天耶天之福此邦者若此其厚君之念此邦者
若此其勤則仕於斯者蓋曰一命以上皆可行志毋
徒玩愒而坐糜廩祿也學於斯者亦曰仲尼顏子所
樂何事毋徒弄筆墨以徼利達庶乎無負於天無負
於君詩云倬彼雲漢為章于天臣敢以此歸美於吾
君追琢其章金玉其相臣敢與同志者自勉以報吾

君作人之造云是歲十一月初吉朝奉郎權知南安
軍兼管內勸農營田事臣饒應龍上表又表曰臣應
龍言伏蒙聖恩以御書道源書院四大字賜本軍臣
謹率闔郡官僚同諸生迎奉望闕謝恩昭揭書院者
天筆渙頒表道源之自出儒宮壯觀作士氣之維新
恩被誑莪春生庭草臣惶惶懼懼頓首頓首臣竊以
孔孟往而微言絕歷千餘載以無聞周程生而正學
明為五百年之名世雖濂溪洛水同出斯脉然江西
橫浦實開其源觀當時師友之適逢信此地傑靈之
非偶一圖手授闡無極太極之真六畫心傳發先天
後天之秘文風肇始流派至今遺書皆口誦以家藏
故老尚耳濡而目染父創書堂而教育方祈宸翰以
表章鳳翥鸞翔自九天而來下鸞飛魚躍慶千古之
幸逢茲蓋恭遇

皇帝陛下盛德日新多能天縱行而王行而帝身正身
脩作之君作之師俗移化美輒輟萬機之暇特頒四
字之書備八体之端嚴聳群瞻之鼓舞臣敢不嘉興
青佩期副洪恩如溥博如淵泉驗川流之不息其追
琢其金玉仰雲漢之為章臣無任瞻天望聖激切屏
營之至謹奉表陳謝以聞

賜九江書院額

賜御書道州瀛溪書院額

景定四年二月日御賜道州瀛溪書院額先是道州守臣楊允恭援九江書院額請于朝上御書道州瀛溪書院六大字錫以璽書馳賜之允恭上表謝伏以星奎啟運洪儒傑出於瀟源雲漢為章綠字煥新於黌宇鸞迴鳳翥魚躍鳶飛臣恭惟我家之右文乃有臣願之倡道接孔孟之丕緒闡圖書之正宗瞻是春陵實其鄉國田園教畝元豐之書契尚存林壑一丘治平之題墨猶在况道郡得名之非偶而瀛溪為保

以至今臣曩職采芹茲叨分竹念書塾之興凡歷幾載荷御扁之賜獨一九江顧惟父母之邦未沐帝王之寵闕然鉅典鬱若輿情不量遠地之微臣妄覲上天之妙筆奏函朝上宸翰夕頒昭回六字之晶芒設舞一方之衿佩茲蓋伏遇

皇帝陛下緝熙聖學表章儒先襲前朝之美謚曰元昔舉易名之典屈天子之尊臨于學肇開通祀之儀煥乎麗藻之文賁此維桑之里臣祇承羲畫如對龍顏結霧霏煙永作九疑之輝映光風霽月喜同多士之詠歸臣無任瞻天望聖激切屏營之至謹奉表稱

謝以

聞臣允恭惶懼惶懼頓首謹言

元加封道國公

延祐六年追封先生為道國公詔曰蓋聞孟軻既沒
道失其傳孔子言湮人自為說諒斯文其未喪有真
儒之間生濂溪周惇頤稟元氣之至精紹絕學於獨
得圖太極而妙幹萬化著通書而同歸一誠俾聖學
粲然復明其休功尚垂不泯朕守成繼體貴德尊賢
追念前脩近稽彞典已從廟庭之祀盍旣邦國之封
於戲霽月光風想清規之如在玄袞赤芾冀寵命之

斯承

國朝褒脩祠墓優恤後裔

正統元年七月十七日順天府推官徐郁具題伏觀
聖朝崇尚聖賢之道推恩及其子孫孔氏宗子承襲
封爵其餘子孫皆免差役額孟之後專設教授以司
訓誨俾習仁義道德無墜先業此希世之盛典也及
照先賢道國公周惇頤上繼往聖下開來學有功聖
門後世是賴雖已從祀廟學顧子孫猶雜編民祠墓
不免夷祀伏惟 皇上大興文治將於變斯民如蒙
准言乞 勅該部將聖賢子孫體訪 上聞照例優

免令於所在儒學讀書擇其才質可用者量加甄錄
應有祠墓官為脩葺置守庶幾人知君子之澤悠久
不替感發興起有補世教則比屋可封之美亦可馴
至矣奏上下六部都察院議如所奏從之行湖廣
布政司轉行永州府着落道州將道國周元公祠墓
如有損壞官為葺理完備仍於本處訪常給田置買
頃畝給與子孫奉祀戶內一應差役盡行蠲免於附
近民戶僉點佃掃門庫之役常川佃掃其墓在九江
府德化縣原係異省程途遠隔子孫往彼祭謁經過
府州縣巡司驛遞等衙門依禮供給廩食應付船馬
人夫其子孫有俊秀堪以教養送赴所在儒學讀書
撥廩助贍時加訓誨務獲成效若有資質端莊學識
明裕堪為時用者有司從實具奏取自上裁所司
毋得視為泛常不加優待有負

朝廷崇重先賢之意

國朝錄用周元公子孫

禮部為特

恩事景泰六年十一月內該司禮監太監王誠傳奉

聖旨周濂溪他有功於世教着禮部取他嫡長子孫一
人來京傳奉到部欽此欽遵禮部補本覆奏外合行

湖廣布政司轉行永州府着落道州官吏里老人等
勘審的實周濂溪嫡長子孫一人作急以禮起送就
彼馳驛赴京毋得稽遲及將同姓踈遠之人冒送獲
罪不便今據湖廣永州府道州起送周濂溪嫡長子
孫周冕到部緣係

欽取人數未敢擅便景泰七年五月二十二日本部官
具題奉

聖旨照例着做世襲五經博士欽此欽遵外移咨吏部
查得翰林院設有五經博士欲將周冕填註翰林院
世襲五經博士仍回原籍湖廣永州府道州以奉祭

祀未敢擅便本部官具題奉

聖旨是欽此欽遵合劄本官回還湖廣永州府道州奉
祀施行

欽賜崇祀 正德丙寅

江西等處提刑按察司提督學校副使邵寶奏 臣切
照九江府德化縣南蓮花峯下有宋儒周惇頤墓其
東北數里有濂溪書院亦為惇頤建 臣始視學至九
江考檢誌傳特詣吊謁見得墓雖僅葺而書院久荒
重興慨嘆比者知府劉璣高友璣等因分巡僉事王
啟等區畫委屬時加脩理基與書院漸次就完又奉

巡視都御史林俊行布政司林泮等衆議於湖廣道
州取其裔孫周倫前來守奉三四年間臣屢至吊謁
起敬生慕大非舊比蓋

聖明崇儒重道化被中外而監司守令奉行惟謹臣竊
慶之謹按周惇頤生於有宋上契列聖下啟群儒語
其時貞而復元論其地大而將化開人之功萬世未
賴無庸贅述乃若九江之地生寓精神沒藏體魄實
與故里相類顧百年以來墓與書院久廢初復而祀
不在典誠為未稱惟昔范文正公生於蘇而塋於洛
二處皆有祠祀崇名相也岳武穆王生於湘而塋於
杭二處皆有祠祀崇名將也我

國朝於貞忠勲德禮數加隆至於如此識治君子皆以
為當况道學大儒如惇頤哉惇頤之後稱大儒者曰
朱熹貫於婺源產於建陽祠祭之典二處兼舉臣愚
竊謂惇頤之於九江如熹如建當比其一今墓與書
院既各脩理如故蒙

聖明重念周氏之學為世宗師表章曠墜實繫觀望乞
勅禮部查檢朱熹婺源建陽事例就令書院賜以春秋
二祭定式擬祝行令有司以時行事仍於隣近無碍
田內撥給數十畝以為裔孫守墓之贍非特為一方

斯文之觀實天下萬世之幸也臣承乏教事欽承
勅諭以崇正學為要惟茲祀事實其一端雖懼煩瀆不
敢不請臣無任戰慄之至奏奉

聖旨是

欽賜周諫議從祀啟聖祠

周元公父諫議大夫輔成從祀啟聖祠緣由始於嘉
靖中道州鄉官國子監學錄楊成章呈為照例推恩
崇祀先儒父考乞請

題奏事某聞道在天地賴聖賢以開先道開聖賢賴真
儒以傳後開先者既推恩于生父傳後者宜追祀于
前人道與時隆恩隨道顯是天理人情之正豈故為
之私厚哉仰惟

皇上道天地之道心聖賢之心禮以義起而大廟前規
制以時行而幸新舊典啟聖一祠崇祠先師厥考而
配以顏路曾點孔鯉孟孫氏從以程珦朱松蔡元定
誠曠古所無之規萬世不刊之典也某欣逢盛事適
觸遐思欲拔一儒之前人以補兩廡之虛席敢僭請
焉竊惟周子有宋大儒輔成者周子之父也周子既
從祀於孔庭輔成當從祀於啟聖何也孟孫氏之配
饗夫非以孟子之故耶孟子大賢有繼往開來之功

崇報者及其所生是矣然孟子之去孔子歷年非遠其微言妙旨猶得以私淑諸人也自孟子沒真傳遂泯千四百年昏若長夜周子一旦奮自南服不由師傳默契道體遂廓清而昭明之而三才之奧邦正之區學術之途始曉然於天下數德論烈當與孟子齊而為一即崇及所生而使輔成從孟孫氏之後豈為過乎夫道統之在近代則誠周子濟其源矣程子者得其源而導其流也朱子者得其源而楊其波也蔡子者得其源而行其派也道學有源流統紀有先後導其流楊其波衍其派者皆推祀其父矣濟其源者獨不得推祀其父魚乃闕乎考之輔成祥符八年登第終賀州桂嶺令所歷多善政守孤高之操雖未有著述可匹元定而貞履循績方之程珦實無軒輊則均以子而俎豆其間不尤當乎有子輿之胤魚孟孫之饗有程珦之賢無伯惇之報是輔成似為稍抑而所以隆禮周子者似猶有未盡也某皓首經生殘年學錄恭睹

聖明考古定典文教大張故僭冒陳此以廣

聖朝重道崇儒之意如蒙准呈裁酌

題奏下之輿議當必有以愚言為是者矣妄瀆台嚴不

勝隕越明年公裔孫翰林博士周聯官於提學道呈

請行學查勘該署印訓導劉報國據通學生員呈申

州爰經州府司道覈詳該本州知州吳能進議樹卓

故艾必豐功鈞故報宜敵竊觀啟聖一祠我

國家所以秩倫崇功重道章教者至精且密而獨闕於

周元公之父輔成士有遺議尊焉至今夫極之義立

此則聖施此則王亘宇宙無非此理自元公大闡厥

旨而後孟氏以前之關鍵始開程氏以後之源流始

衍此其功直接孟氏為後儒少祖豈不冕然隆哉而

父胡以不得共珣松頤瞻一堂也將求多於其人則

治行操脩世光誌牒豈後珣松矧追祀非其人之謂

也得諸其子而已矣以人若此以子若彼又奚擇焉

使藪藪焉齒于鄉之士得諸其身不得諸其子其無

乃隘元公而胡以稱衡功報德稱物平施之義也請

進輔成從祀如程朱蔡三氏則

聖朝崇儒之典始完而右文之治益光矣本府知府徐

克莘議元公厥考輔成名登甲第行素鄉閭列祀道

州鄉賢久矣顧惟祀典本以報功故功著一鄉者祀

於一鄉功著天下者祀於天下如程太中朱熹蔡從

祀啟聖莫非因子及父報功盛典而何獨於輔成靳

之在元公再闢濼泮繼孔孟而開程朱烈垂萬世則
輔成篤生之功為尤大豈特管道一鄉之士已哉而
崇祀以報其功又豈可止一鄉之近已哉諸生所呈
不為無見合無俯允轉達題

請將輔成公牌位請入啟聖祠與程太中朱常齋並祀
祀則無德報功人心豈忍而無世表俗儒道大典矣
署州事本府推官李某請得崇儒周得某名重制科行聖士論是嘉靖初年進程朱之文與祀
啟聖偶遺輔成夫

國家恩典功在一時者恩德得及祖考而敦頤功在萬
世迺後人崇祀不推及其所生非所以彰我

朝崇儒重道之典且今士民歷數從祀莫不快程朱之
享報至於敦頤獨不見其親之神位其不扼腕而嘔
唏者鮮矣此誠天理之在人心不容泯滅者也頌人
心之天理舉

國家之

盛典廣推恩之大義報垂世之偉功即使輔成志行泯
然無聞猶當崇祀况其懿行已有可稱者乎從祀議
是本府署印同知張守剛議先儒周敦頤父周輔成
擢起家則名登甲第語遊宦則績著專城有至行以

惟董於梓桑肆祀典夙崇報於鄉社是誠先儒之可
述允為後學之共欽况其篤生真儒倡明絕學使天
下後世得尋孔孟之真傳是功雖不在於其身而實
寄於其子揆之程朱因子及父之義程朱之父既稱
先儒從祀則周惇頤之父亦稱先儒從祀良非過也
提學僉事俞士章議程朱為宋室醇儒而其源則出
自周濂溪程子之父珦朱子之父松俱於嘉靖年間
以子之故從祀啟聖而尚不及周子之父輔成豈非
闕典父以子重非甚不肖亦宜從饗况珦松固賢而
輔成以進士起家宦遊有善政鄉賢有明裡人品蓋

不在珦松之下木本水源程朱之父既得徵

殊恩於前情同事類濂溪之父亦得脩

盛典於今此崇儒重道真贊揚風美之急務也左布政

使李

得陽

按察使詹

貞吉

會議重道崇儒乃

朝廷馭世之大典表往風後亦有司易俗之微權矧先
儒周元公敦頤續千載理學之正傳而其父諫議大
夫輔成啟百代人文之道脉今嗣其學如程朱二先
生反得推崇所生祀之啟聖輔成生有惠政歿有榮
名僅僅俎豆於其鄉詎非數百年之闕典歟及照褒
前錄後禮制宜同查得正統年間順天府推官徐郁

海濱志
卷之六
十一
曾奏復其家已荷

俞允今獨不可追祀其先以風勵後學乎應如議題
請於是巡撫都御史郭惟賢巡按監察御史徐兆魁會
題為三楚儒先輿論有定祀典獨遺懇乞

聖明俯賜一體從祀以重本源以隆文教事看得道有
開先礼隆報本周敦頤起宋天禧間默契道體首倡
正學于聖遠言湮之後俾孔孟道脉断而復續迄今
太極圖通書學士家尊之與六經等其有功于斯道
甚大而推溯篤生之自則其父周輔成也人因道重
敦頤久在從祀之列父以子崇輔成何獨遺啓聖之

祠况程朱之學皆本自敦頤真傳而二氏之父如程
珦如朱松先於嘉靖年間伏倚

賜允從祀廟食百世矣輔成歷官有善政居鄉稱鄉賢
方之珦與松其好脩行誼以表鄉閭同其篤生哲人
以繼道脉同論賢宜比肩而合席論功當祭川而先
河迺珦松父祀于廟與顏曾諸氏均禋而輔成止祭
于鄉未獲同珦松配食此非所以隆報稱而昭大公
也事有崇乎儒先而實闕于世教典偶闕于往昔而
實待于

明時稽之士論僉同非徒光借俎豆惟是斯文一體自

當推報淵源臣叨從地方不敢拂輿論之公不舉氓
往哲世德之休光不揚既經司道勘議前來相應題
請伏乞

勅下禮部再加查議如果臣等所言不謬查照程珦朱
松事例進周敦頤父周輔成從祀啓聖庶海內人士
仰見

皇上崇儒重道之典于前有光而礪世磨鈍之意永之
無窮矣奉

聖旨禮部知道禮部覆疏為照道以人傳父因于重自
古然矣哉

國家崇儒重道欲以敦化明倫故既以程灝程頤朱熹
從祀于孔子廟庭而又以程灝程頤之父程珦朱熹
之父朱松從補于啟聖公祠無非惟尊道學之源顯
示扶世立教之意典固甚鴻鉅而義亦至深遠也然
攷自微言既絕而首倡明斯道者周敦頤也其篤生
賢嗣而裨有功斯道者周輔成也有輔成為之父而
後有敦頤為之子有敦頤倡之先而後有程朱繼之
後道一源流學同弓冶追本窮源宜其重則俱重祀
則俱祀也乃程朱二氏既得因子而推恩於其父而
輔成一入獨不得以父而食報于其子當時議者豈

以從祀者在著述而輔成甚所聞繹歟又查輔臣張
 早敬申明程敏政之說臣竊觀聖學失傳千五百年
 至程朱出而後孟氏之統始續則程朱之先亦不可
 缺况程子之父封永年伯程珦朱子之父謚靖獻公
 朱松其歷官行已俱有傳述臣愚乞將程珦朱松從
 祀啟聖祠此當時珦松從祀之由亦不過論其賢而
 已初未嘗及於著述何如也今觀永志輔成名高甲
 第望重鄉評善政屢徵于宦遊令德累霑乎贈典想
 其為人固亦闇然自脩而有日章之實殆非沒世不
 稱後世無述者即與珦松較隆比烈何多讓焉是以
 三子而論則昔之善教者重在父均有得于義方以
 三子之父而論則今之從祀者重在子不專在乎著
 述若輔成者雖

錫之以贈謚允宜而列之于俎豆奚忝今珦松儼然從
 祀已久而輔成不預並侑之列委為缺典既經湖廣
 撫按會官詳議具題前來似非出于一人之私臣等
 博採史傳廣加咨詢深見協乎輿論之公相應將輔
 成准其從祀啟聖祠與珦松一體追崇庶足以慰先
 儒尊親之望而對天下好德之心謹據實覆

請恭候

命下臣等查照崇祀禮儀開坐另題施行等因萬曆二十三年七月十七日本部尚書兼翰林院學士范謙等具題二十日奉

聖旨是周輔成准從祀啟聖祠

公移

查取後裔赴九江守祀弘治癸亥

永州府道州為崇奉先賢以激勵風教事承奉湖廣等處承宣布政使司劄付准江西布政使司咨奉

欽差巡撫江西等處地方都察院右僉都御史林批

據本司呈前事准本司左布政林咨准本司咨奉

南京都察院右僉都御史林批據江西按察司分

巡湖西道僉事王呈前事照得本職於弘治十年

分巡至九江府據本府呈宋儒濂溪周元公先生世

家道州因過潯陽愛其山水之勝遂築書堂於廬山

之阜今在本府德化縣十里許山麓有溪發源於蓮

花峯下北會于湓浦潔清緝寒先生濯纓而樂之因

揭故里之名寓以濂溪之號溪上有池先生種蓮而

愛之作愛蓮說揭于書堂先生胸次洒落如光風霽

月每與河南二程講道其間庭草交翠而發吾與點

也之氣象抽閑啟鑰默契道體卒使孟氏不傳之正
學絕而復續至今仰賴然則太極通書手授二程亦
當於此地至於其沒又塋於栗樹嶺下僅去五里許
先生之母與其二夫人皆塋在內則先生之魂魄固
安於是矣雖極崇奉如孔廟闕豆亦不為過夷考
載典自宋邵守潘慈明重脩書堂文公先生曾為之
記及文公守南康之日子孫自九江奉愛蓮說墨本
于文公則知當時曾有子孫至

國朝監察御史徐傑項璉按察副使焦宏陳价兩次修
舉今皆圯壞其子孫亦無一人為守祀事及考家道
州舊立書院乃援九江賜額為請今九江反見零落
惧無以奉先賢而光世道具呈欲行脩理書院并築
濯纓愛蓮光霽交翠四亭以致景行之私及欲買田
數頃或量撥白鹿洞租穀數百斛請先生子孫一人
守祀事并乞舉奏加

賜書額等因本職親詣拜謁相驗是實行令知府劉璣
脩立書堂三間以奉遺像曾經開報今照前項書堂
賜額并請子孫奉祀一節皆係重儒先闕世教及動
支錢穀事理本職未敢擅便理合備由移闕煩請轉
呈或行令脩舉或具

奏請給賞實為便益等因准此擬合就行為此今將前
項緣由理合具呈伏乞照詳施行奉此據呈崇儒重
道至意布按掌印官會提學計議停當差人齎文湖
廣布政司轉查真派子孫勸諭前來同心區處必在
優濟修理等因備咨會議間隨准提學副使邵議
得瀘溪周子生於有宋不由師傳默契道躰上承列
聖下啟群儒語其時貞而復元論其地大而將化開
人之功萬世允賴無庸贅贊乃若九江因水濯纓依
山築室存既寓其精神沒復藏其躰魄實與故里相
類顧自

國朝以來有墓無守有祠無祀而所謂書院者又名存
實廢其於

聖明崇儒重道之意誠為未稱謹按范文正為宋名相
生於蘇而葬於洛二處皆致享祠岳武穆為宋名將
生於湘而葬於杭二處皆極崇奉茂功勲德禮在加
隆示後昭今典章增重而况再闡斯文宗師後學如
周子是哉由周再傳是為朱子朱子貫於婺源產於
建陽今二處皆有秩載享祠崇奉地異禮同竊謂周
子之於九江如婺如建當比其一而荒落至此凡有
秉彛孰不興嘆茲欲議行實為盛舉除查勘族人取

來主守一節無別議外倘即書院舊基益加營治前
堂後寢中道外門一如儀式中祠周子之像援朱子
事例上

請春秋二祭祀號牲帛定自祀官永為遵守仍聘師聚
徒講習其中另於白鹿田租內量撥供給庶幾振勵
作興有補風教區上鄙見謹議如此其優濟脩理必
需資畫藩有長司錢穀之會臬有總政按法之權於
是乎在非迂淺所能與也緣批呈會議事理擬令就
行今將所議緣由備開總司煩請查照施行等因准
此續奉

欽差巡視江西等處地方南京都察院右僉都御史林
鈞帖仰候沈憲副到再議奉此又經行准副使沈
議得脩建書院名教所關後學相俸以相其成今規
制已定但材木工食之費不足欲查無碍官錢准給
引堂食事躰相應若行南昌吉安撫州臨江饒州五
府豐城進賢新塗吉水泰和餘干金谿新喻樂平安
仁十縣各掌印官量為義舉於存番三分数內捐十
之一徑送九江府貯庫具數開報該道委官買材鳩
工計功償值則官不費而民不告勞工完首將支過
及餘剩銀兩數目申報以憑查考等因前來會同按

察司周查相同及照原奉批呈事理查取周子真派
子孫理合遵奉施行俾濂溪之傳有托斯文之後有
光庶於

聖明崇儒重道之意無負矣緣奉批會議事理合就
案呈詳為此今將會議過緣由理合備由呈報伏請
照詳施行奉批處當引錢歲百兩以下自留養廉百
兩以上二十兩一加厚如其式脩蓋贏餘買田為
先生子孫之地仍咨湖廣布政司用心查取真派子
孫供費縣食前來呈繳奉此案照前事已行呈詳去
後今奉前因有得引錢銀兩脩蓋書院等項係隸戶

工二坊掌行合就繳報移付通行為此除差陰陽生
朱太安前來守取外移咨貴司煩請查照咨文內事
理用心查取周子真派子孫供費縣食與同差去人
役具由咨送前來以憑施行備咨准此查得先生周
子係道州人為此今差承差何倫與同原差來陰陽
生朱太安齋文前去着落道州當該官吏即便行查
周子有無真派子孫如果見在要見何人供祀其供
費縣食的該若干其外子孫有無若干名數即今有
無田產養膳如果見有田產的該若干務要逐一查
勘的確明白回報施行奉此依奉擬咨就行為此除

外合行備帖仰該都里老何添成并遠隣人等照
依割帖內事理即便前去取勘濼溪先生有無真派
子孫如果見在要見何人供祀其外子孫有無若干
名數即今有無田產養膳如果見有田產的該若干
務要逐一查勘的確取具里老遠隣人等不致扶同
結狀一樣三本呈來以憑施行毋得遲延不便須至
帖者

弘治十六年七月二十一日庠生周綸性九江公墓

編銀解送雇役 正德丙子

湖廣永州府道州為崇儒重道事正德十五年十月

初二日抄奉

湖廣等處承宣布政使司劄付奉

欽差巡撫湖廣都御史秦 批據本司呈據翰林院五
經博士周繡麟呈前事竊惟十三世祖濼溪道國公
書院原在梓里道州 欽奉

欽依額設門庫佃人掃夫已經編僉掃守供役外近年
以來本州徭編門庫佃人掃夫俱係鄉里親舊出見
之際俱倚鄉曲情誼既不行禮而反列上坐視如朋
輩全無忌憚難以使令庭堦屢歲荒蕪祭器終日塵
封若不具呈處置非惟徒設掃守之名抑且有辜崇

重之典乞賜行仰本州轉行寧遠江華永明三縣編
僉庶境隔情殊易以拘束祭器廷階得人掃守而尊
崇之典不為虛設矣為此呈乞施行等因具呈到司
據此看得所呈情切於事理見於辭及查先奉

欽差巡撫都御史三案驗已將前項門庫掃夫行令

該州編銀解後去後今呈前因要乞於寧遠等三縣
審編等情一節不無愈遠愈難拘束合無行令該州
每年於衙上中八戶編僉各役每名准原定銀數每
日貞稱工銀一分食銀五厘以日計之該銀一分五
厘以月計之該銀四錢五分以歲計之該銀伍兩四

錢就拘當官

稱納鈔封解走言院收貯聽其催人代

當如此庶幾公私兩便鄉里無任使之嫌則尊崇之
典亦不至湮沒矣惟復別為定奪本司未敢擅專擬
合呈請為此今將前項緣由理合呈乞照詳施行奉
此依擬施行具由緣奉此案照先為前事已經具由
呈請去後今奉前因擬合繳報及就行為此除水剗
仰本州當該官吏照依剗付內事理一体遵奉施行
具由不違依准繳報查考此係崇儒重道事理毋得
違錯不便奉此擬合就行為此合帖本院照依剗付
帖文內事理一体查照施行須至帖者

廢寺田撥入月巖書院 嘉靖癸卯

湖廣永州府同知魯承恩為褒崇道學事卷查本府承奉湖廣等處承宣布政使司劄付禮房勘合科承准

禮部各字六百四號勘合該禮科抄出順天府推官徐郁奏為民情事劄仰行府着落當該官吏照依劄付備奉

欽依內事理即將條開出先賢道國公周敦頤祠墓從公踏勘如有損壞就便官為葺理完備仍於本處訪常稔田置買頃畝給與子孫以永奉祀奉此照得本

職奉委督理所屬軍黃二冊嘉靖二十一年五月公詣道州清審完訖復詣永明道經宋儒周元公敦頤故里見其泉流有瀛溪之勝峯巒有月岩之奇誠天地之秘藏宜賢哲之挺秀夙昔耳聞于今日見惜作興之久缺致書院之荒殘隨據該里有本州營樂鄉八都十排年廖朝瓚廖昌廖時寅廖汝弼廖盛貴廖弘廖英廖永豪呈稱本都額有洞明宮觀宇一所房屋二座大小二十三間切近月岩山背即今年代深遠久已廢廢止遺施主先年所捨田地七十二畝該夏稅七斗七升四勺秋糧三石八斗六升四合四勺

俱在高原小洞有種無收道士廖世芳賤納不敷在
逃今遇攢造理合具呈乞將本觀屋宇遷入月岩書
院其前項田地永充春秋二季祭祀周元公祭享田
止納稅糧乞免差徭續又該本府補盜通判周亦
以公幹詣州訪得該州營樂鄉一都里長胡已良亦
欲將本都廢寺名雲龍寺田屋報入月岩祭掃公用
隨據胡已良呈稱本寺一所大小房屋四座額號雲
龍寺田一項二十畝零夏稅秋糧田見有本里和尚
羅元湘耕種納糧理合具呈乞將雲龍寺前田只納
夏秋二糧額免一應差徭撥付周元公春秋祭田等

因據此隨徇廖朝瓚胡已良到職審果無異但本職
係佐貳官員不該受狀錢糧推收雖事干黃冊職務
分署亦非本職當專着令赴州具告各役執稱本州
見無掌印正官雖有佐貳署官位卑言難上達又着
令赴府具告各又稱去府地里數百蕪有水路跋涉
之苦未免妨悞民荼懇轉達據此看係棄崇道學恩
典出自

朝廷推收稅敵善處亦係民隱據各呈告事情雖實誠
恐中間或因挾仇而為投獻或因買求而故為操
奪倘有一於此未免日後忿爭是今崇儒重道之舉

適為校奸故隙之門恐非政體所宜抑且於元公後
裔無益又經延訪數月查得寺田衆姓所捨而主之
者無僧廢業衆志所貪而專之者不便故田不耕耘
日就荒蕪久不稼穡糧難追徵每召行僧遊道暫收
為住持其如狼子野心終難管理欲推於衆戶衆戶
畏其日後耕熟而被奪欲專付於里長里長見其目
前糧重而難賤故以有主之田委為無主之業捨入
月岩供奉元公祭祀是亦一鄉秉彛好德之良但倡
導無術故奉行無人况

明旨寵嘉父之奉行近見世襲翰林五經博士周綉麟

雖荷

朝廷垂念元公傳道之功查係的裔錄用其身寵以清
銜嘉之京秩緣無常祿故節奉勘合存恤有司作興
惜勘合徒為紙上陳言作興祇為日前虛禮文成廢
閣竟未舉行本職思得官秩者立虛名而嚴其等爵
祿者資實用以養其庶官無常祿名雖華而不見其
尊政無作興儒雖貴而日見其賤再查博士周綉麟
田無百畝之腴居無數間之美衣僅蔽體服不足以
章其等威行必步趨家不給以蓄其僮僕名有翰苑
之銜實與齊民無異在彼安貧守分不屑伎求深無

愧於象賢在今尊儒重道再不存恤又非所以崇德
合無遵

聖諭之明從民情之便將前二處廢寺田業撥入月岩
書院首令博士周綉麟耕種管業止納田上本等稅
糧其餘一應雜泛差徭一槩俱免其屋宇廢料盡行
撤八月岩書院縮大為小因舊增新不費官帑着令
鄉民隨便修蓋巖內書院暫留行僧遊道亦着令移
居附近有住持菴院安止於此庶幾廢業有主
國家之糧稅日久自有着落本里小民無復派彼之苦
儒寒有賴元公之後裔日後實荷存恤本支百世永

沾褒崇之榮法似相應理該轉達擬合關府煩為
州詳加酌議務得經久仍煩轉行申詳懇乞明示實
為恤民崇儒兩便緣係褒崇道學事理未敢擅便為
此移關施行須至關者

置買故里祭田

湖廣永州府為優恤先賢後裔以勵風化事准本府
署印同知魯 閔嘉靖一十四年十月初七日抄錄
湖廣等處承宣布政使司分守上湖南道左叅議戴
批據本府申准本府捕盜通判周 牒稱和陽縣
永隆鄉私剝為僧已故氏劉紹華所遺典田文契共

九紙共該時值九成銀柒拾肆兩柒錢肆分原係化募以財又無僧徒移為優恤周氏子孫照詳奉批優恤先賢後裔俱如議行須轉發該州置買好田可也事完造冊報繳奉此行間本月十六日又蒙

欽差整飭柳桂衡承兵備兼分巡上湖南道湖廣按察司副使陳批據本府呈詳犯人李仁宗等招由為貪官濫詞酷詐民財事蒙批依擬發落取實收領狀繳田畝追贖銀兩轉發道州置買瀟溪書院祭田此繳行據該縣申解犯人尹廷摸等到府除將各犯追完原得故僧劉紹華典田價銀收寄在庫及查道州

原有洞明宮雲龍寺二處逃僧廢田共壹百肆拾捌畝已經准本府同知魯 關呈蒙

欽差提督學校湖廣等處提刑按察司副使應批允瀟溪祠每年春秋供祭及供博士周綉麟常祿并脩理祠墓為照元公之墓雖在江西九江元公父周輔成墓見在瀟溪故里即今荒廢又查元公的派子孫宗文等柒房俱住在瀟溪故里雖稱先賢後裔實無世業相承貧寒日甚涼薄可矜所有前項田畝已經給與博士春秋供祭餘供常祿并修理書院外今蒙給發前銀又該本府訪得該州田地頗賤照依土俗

時價兩平交易該置買近元公父墓常稔田柒拾畝
給付博士周綉麟主管着令與近住瀟溪故里子孫
宗文等柒房每房輪收壹年以供元公父墓祭享之
用輪收次序自嘉靖二十五年丙午年起本年博士
係宗文壹房支下輪管壹年次年丁未文華壹房輪
管次年戊申宗孟壹房輪管次年巳酉宗祐壹房輪
管次年庚戌宗祠壹房輪管次年辛亥宗益壹房輪
管次年壬子宗元壹房輪管柒年一輪週而復始每
年祭儀諫議大夫墓止猪貳口羊貳隻餘俱依周元
公見用祭享品儀博士止得主管輪流不得重複私
下專擅執為壹房已有其各房子孫亦不許因貧難
私相分撥擅行典賣如有故違該州嚴查重究庶幾
先賢道德適祭祀久廢之餘而得享其優崇之典子
孫的派當衣食艱難之日而獲沾其賙恤之恩祠祭
與墓祭並行廟貌丘壠自今各妥其神靈世襲得世
業蕪濟冠冕衣食由此各遂其生全信有補於

聖朝右文之治亦足以為百世之勸也事完該州備細
開造田畝并價各若干賣主姓名及田四至手冊一
樣貳本并輪年子孫支派名字一併繳報以憑轉繳
施行

給贍學魚塘萬曆辛卯

道州知州李奉

禮院并 行查優恤事例看得 瀘溪元公有功聖
門奉

恩典各字五百四號勘合優恤後裔子孫內選聰明俊
秀堪中教養者不拘名數送赴儒學讀書撥廩養贍
原宗子周道蒙 宗師張 于州學額廩外撥一石養
贍讀書隨後宗孫相沿繼補在次子孫未沾恩惠隸業
無資因查訪得開塘壹口坐落本州蔣居鄉與寧遠
縣大陽鄉連界互荒在官無主奉委本鄉老人

何祖斌燕同塘隣公正鄭福高查勘結稱開塘壹口
與寧遠大陽連界互荒在官無人敢文回結到州又
帖給十五代正派孫生員周聯班聯輝親往本縣查
勘縣委廣積倉大使曾魁老人郭鳳奎燕同生員前
去塘所隨據本官回稱燕同生員老人前到大陽鄉
遍年劉平生家拘喚排年張奇蔣華等踏勘得劉平
生等據稱前塘委係官塘無人敢夫其塘水蔭注民
田等情回縣備由申州據此查得前塘果係官塘無
人奉文相應給與瀘溪正派在次子孫管業養魚贍
學合就給帖照依帖內事理即將本州蔣居鄉與寧

遠大陽鄉連界官塘壹口從今給帖為始永遠管禁
不許隣近里逃排年盜取魚鮮故壞基址其塘水照
舊蔭注民田

脩復門枋樓亭祭器 萬曆壬辰

湖廣永州府道州為褒崇道學事據本州濂溪元公
宗子翰林院五經博士周聯官呈稱繼往開來道統
倡明于先祖脩廢舉墜作興仰望於文宗千載竒逢
一時快覩切祖元公伏蒙

宋朝建立書院型祖二程三像歷代享祀仍建立
御碑亭櫺星門逮至我

朝景泰七年欽奉

聖恩特取曾祖周冕奉襲翰林院五經博士蒙俞憲
公建造

恩榮枋仰濂樓續蒙上司并本州建立光霽樓聖學源
流枋繼往開來枋傳至于今歷年久遠幸遇老父母
下車垂念先人推恩後裔重捐俸金將先祖二程遺
像煥然復新一應樓枋亭榭建立脩理詎期功將甫
畢變出非常忽於八月二十七日夜灾火流行大固
示警沿家被害人不堪憂切思卑職承祖宋設宮牆
變為瓦礫之地歷年祭器淪於煨燂之中典籍悉焚

衣冠盡燬致先祖棲神之無地暨卑職置足以何階
道路寒心見聞失色雖末學不堪重念諒滄海必納
細流伏望恩臺仰体

朝廷崇重之典俯念先人開緒之功懇乞留神轉詳
院道如蒙賜允仍前建立不惟先祖感德于在天且
末裔蒙恩於沒世斯文幸甚俎豆增輝等因到州據
此該本州知州李 查得元公原設碑亭祠門并仰
瀛樓光霽樓恩榮坊聖學源流坊繼往開來坊祭器
一時被火延燒俱盡不惟後裔博士奉祀棲身之無
所且元公尊靈亦時享依妥之不便前項門坊委應

速建但工程浩大錢糧難虞看係動支錢糧已經具
由申蒙

分守右叅政吳 詳批仰永州府查議報奪蒙府批
行本州查勘元公原設碑亭祠宇仰瀛樓光霽樓恩
榮坊聖學源流坊繼往開來坊祭器等項于前項月
日燒燬即今建復要見某坊一座用木料工價等項
若干某項祭器應置該價若干逐項酌估明白合用
工料銀兩於何項動支一一造冊三本申府以憑覆
議轉詳施行奉此依奉行委代捕寧遠衛經歷盧佑
會同儒學訓導張玘估議去後隨據本官回稱從公

估計得檣星門光霽樓聖學源流枋恩榮枋繼往開
來枋書院祭器共該工料價銀一百一十七兩三錢
零四厘造冊具由田州查得動支庫貯銀兩係隸戶
房掌行移付查動去後隨准回稱查得變賣教場地
價見追未完銀八十六兩八錢八分六厘八毫又庫
貯一起均徭銀兩事嘉靖四十四年分本州儒學支
剩缺官齋夫銀內動支三十兩四錢一分七厘二毫
共足銀一百一十七兩三錢零四厘堪次動支買辦
物料修建合候申詳光日照數動支給發匠作起建
緣係動支官銀脩建祠宇事理擬合施行呈詳為此

州司今將前項緣由造完工料文冊一本另具書冊
理合申乞

照詳施行

本府覆議申詳 兩道轉詳 撫院李 彖批濂溪

先生闡明聖學繼往開來功德甚鉅本院夢寐嚮慕
恒思無可尊崇之若祠宇祭器所當依時修飭以起
士瞻况今回祿延燼凡我後學亟宜建新用妥明靈
兩道議及於此甚知所重如議前銀准動支已穀昂
作務底堅麗經管員役不許冒破苟略足稱院道推
尊之意仍行該府查本院餘剩紙贖捐助三十金加

添枋亭或置學田以供常祀上緊完冊併報奉此擬
合就行

萬曆二十年三月初八日

